

علوم اقتصادیه و اجتماعیه

مجموعه گار

هر آيت برنجی کونی نشر اولنور

مؤسسری :

احمد شعیب ، رضا نونیر ، محمد جابر

مندرجات :

عوامل اجتماعیه : احمد شعیب — قابلیت اجتماعیه : بدیع
نوری . — حکومت و حریت حقننده سینسک فلسفه سی : رضا
توفیق . — زده تأدیات : فائق زهت — فوق العاده بودجه :
احمد مختار . — فرانسه اختلال کبری : احمد شعیب . —
نشریات و وقایع اقتصادیه : محمد جابد . — بیک سکر یوز التمش
ایکی منه سی استقراضنک مقاوله نامه سی .

مدیر و صاحب امتیازی :

محمد جابر

امور اداره و تحریریه : نور عثمانیه جواریده طین اداره خانه سی

نسخه سی : ۱۰ غروش

استانبول

باب عالی جاده سننده هلال - طبعه سی ، نومرد ۶۶

علوم اقتصادیه و اجتماعیه مجموعه

عوامل اجتماعیه

۳

پاره

بودجه راپورتوري قاردم جاویده

عصرک حاکمه وجدان و تفکری بی شبهه پاره در . قرالیت، زادگانلق، مذهب کبی قوای تاریخیه نک خراهمری اوزرنده تأسیس سلطنتله هرکسک قلبنه انفاذ تحکم ایلکده در . ربقة تذلیلندن تخلص حیات ایتک ایستین روحلر پک اندر ! پاره شیمدی اویله بر حکمدار حقیقی که نه طاغیر، نه دکنزلر سلطنتی تحدید ایده یلیور . اور و پاده پاره اولهن الهمرک، کیدن قرالیرک یرینه کچمشدر . او، ایصنیز، کیمسه سزمعبدلرک، بوش تختلرک وارثیدر . نسل جدید یالکنز پاره نک اوکنده بر سرفروی تعظیم ایله اکیلیور . بوکون پرستشکاران ذهبدن باشقه کیمسه کورولمبور . پاره نک بوتون وجدانیات و بوتون روحیاتی متأثر ایدن قوتی نرهدن کلیور ؟ عجبا ماضیده هیچ جذوری اولمایان بر تغلب جدیدی ؟ اقنومی اخلاق و عاداتمزمده، شرائط مادیه و اخلاقیه، ایجابات سیاسی و دینییه مزده می ؟ یوقسه بوس بوتون باشقه بر عرقلر القاحات مرضیه سی نتیجه سمیدر ؟ ایشته پاره نک ثقلث تغلیی آلتندن قور تولیق فکرکنده ایسه ک بوسؤالی حل ایتمه ضر ایجاب ایدر .

شیدی همزك لب اشتیاق و تحسری او جند ترمین أك بو یوك امل
 زنکین اولقدر . زنکین اولق بواویله برارزوی طبعی، اویله براسه دادکه
 ووهی ظن ایدیلیور . واقعا زنکینك انسانلر طرفدن دائماً برحس حرمتله
 تقدیر ایدلشد . لکن اُسکیدن موقعی او قدر یوکسک ایدی که انسانلرک
 قسم اعظمی کوزلرینی اورایه قالدیرمایه جسارت ایده میورلردی . بوکون
 ایسه بوتون بشریت ثروتدن حصه مند اولق ایسته یور . آلامان قودورارق
 بو محرومیتدن دولایی جمعیتی مو آخذه یه قیام ایدیور . عشق نیکهستی،
 ذوق حیات بوتون طبقات مخالفه اجتماعی استیلا ایدی . یکی ده موقراسینک
 صفات کاشفه سندن بری ده بودر : اقوام جدیده زنکین اولق احتیاجنده درلر .
 کتله ناسه علم وده موقراسی کویا بو عالمک نعم بی نهایتی عمومی یقیسه
 بیله جکی نقطه یه قویماقی تعهد ایش ! تنکی معیشت ایچنده قیورانان
 بوتون صنف برهای اشتیاق ایچنده پاره دن باشقه برشی صایقلامیور .
 معیشت مدنیته نك احتیاجات غیر معدوده سی آمال حریصانه و مشتهیات
 دناشکارانه یی تحریک ایتمکدن باشقه برشی یاممادی . ثروت هرکسه مونس
 کوروندیکی تاریخدنبری بو قدر آتشین بر آرزو، بر غبطه حاصل ایتمه مشدی :
 ثروت آرتق بر صنفك امتیازی اولمادیقندن ده آاز عقو ایدیلیور . نه
 ایچین اونلر زنکینده بزکله ؛ نه ایچین بن دکله بر باشقه سی . ذکا و مراملری
 عینی مقصده متوجه میلیونلرله اصحاب سعی واضطرارک ایشته هرکون
 تکرار ایتدکاری سوز .

هرکیم فقیر ایسه کندینی بد بختان انسانیت زمره سندن عدایله بر
 حقسزلنك قربانی اولدینی فکر نده در . بحرانیون، عدمیون، اشتراکیون

مسالکی بوردن دوغور . ثروته دوغرو قوشمق : ايشته جمعيات حاضره نك
 بزه كوستردیكى منظره . جمعيات بشریه اویله حزن آكین بر سیرقه بکزیورکه
 بوراده بویوك و کوچوك، کنج واختیار هرکس مقادیراً قوشیورلر ؛ و یولده
 دوشهرک یکدیگرینک آياقلى آلتنده چيکنه نیورلر . بوعمانی تعقیب ایچین
 بانلر اولادلرینی تربیه ایدیور . تربیه شیدی ثروته دوغرو قوشمق اوزره
 مرتب . ثروته هجومی آمریقاد کورملى . ماضینک عنفات و تقیداتندن
 بوس بوتون آزاده اولان یانکی صید نقود ایچین یاییلان جهد دائمینک
 قلاسیق بر انموجیدر . بوتون آمریقا حیاتی برر ورید اقتصادی به
 مربوط . فقط بوجران تهالك منفعت آرتق یالکز آمریقاد دکل هریرده
 حس اولونیور . پارهیه دوغرو بوتون عضلاتمک توتری مادی ومعنوی
 تشکل عضویتمکده تغیرینی موجب اولویور : وجدانمز بوزولیور؛ ناموس
 وعفتک عار و حجابی ، اینجه جسلری سیلنهرک محو اولویور . اخلاق
 بوزوقلنی ایله طیعانتمس قولاقلر فنا قازانیلان پاره نك فنا قوقوسنی
 دویمورلر . هریرده بر تسم وجدانی مرئی ! فکر تجارت، فکر منفعت
 هر شیه نفوذ ایتمش . هکیلمر، آووقاتلر، مهندسلمر، محررلر، صنعتکارلر
 و سیاسییونده حکمفرما اولان فکر منفعت حر و مستقل تسویه ایدیلن اک
 اصیل مسالکی ده آلچالتمق اوزره در . شیدی بوتون بومسلکله بوی
 منفعتپرستیدن باشقه برشی استشمام ایدیلیور . ناموس و فضیلتک ، لیاقت
 و مزیتک یکانه اولچوسى پاره در . سربست مسالکده ، تجارت و صنعتده
 او اسکی ناموس مسلك و عزت نفس قیدی حال انحطاطده در . هرشی
 تجارت، اخذ و اعطا ایچین بر ماده اولمشدر . آلتون وجدانلری، ذکالری
 آرتق تسخیر ایتمشدر .

پاره حیات جدیدنک بویوك برزنبركی ، یایی در . بونی و قتیله فرانسه

مشاهیر حکایه نویساندن بالزاق کورمشدی . مضحک بشر کلیاتنک
 قهرمانی پاره در . و پاره نك رولی بالزاق واسقربیدن زمانزه قدر منتشر
 آثار ادبیه ده کیتدجه کسب اهمیت ایتدی . فی الحقیقه ده رقابت عمومیه ،
 مقام اقتداره طبقات جدیده نك ارتقایی ، حیاتنک بهالغسی ، میل تزن
 وتجملك مطالبات ومقتضیات ، مضاربہ نك اغواآت ومهالکی ، ازاد ارضك
 تناقصی ومقدار فائضك آزمائشی بوتون عائله لری پاره اندیشه سنه دوچار
 ایتشددر . بواندیشه دن قورتولش کیم وار ؟ ایرادیله یاشامق : بواویلہ
 منور بررؤیا که ایجمزده يك آز کیمسهر بر حقیقت یابا سیلور . بونقطه دن
 دینه بیایر که بر مدت صوکره نه زنکین ونه ده فقیر اوله حق . چونکه شیمدی
 زنکین وفقیر هبسی متساویاً عینی اندیشه نك شکاریدر . یالکز بواندیشه
 صنوف سفیلده ظاهر . اغنیا برلاقیدی آلتنده کیزله مکه جالیشورلر .
 بوزادکانلق غنعتنک بر نتیجه سیدر . اساساً مونده دن دینیان حیات بر
 مرأیلك مکتبی در . بوراده ده محرك خفی باره در . لکن زنکینلر پاره یی
 نه قدر چوق دوشونورلر سه اوقدر آز بحث ایدینورلر . مصارفات ،
 واردات ، فیئات اشیا اویلہ تفرعات وتفصیلات عادیه در که ابی تریه آلمش
 انسانلر بوکی شیلردن خبردار دگلش کی کورونه جکلر ! بو طرز مرأیلك
 ثروتك فضیلتنه قارشی ده ا فضلہ بر حرمتدر . چونکه پاره یه اودرجه
 اهمیت ویریلور که عمومه قارشی بز بونوع حسابانه اشتغال ایتیه جك قدر
 صاحب ثروت دینک ایسته نیور . مونده نلر زهر ناك برخنده ، آلتون بر
 ماسکه آلتنده پاره یه احتیاجلرینی ، طمعلرینی ستر ایدینورلر .

موقع اجتماعی هر هانکی سویه ده اولور سه اولسون شیمدی هر کس
 فقر و ضرورتی صاقیلهرق صاحب ثروت کورونمک ایسته یور . جریان
 فکر عمومه تبعیتله کنندینی کوسترمک بر عادت اولدی . هله رسیده کاران

جاء اقبال پرردای مذهب ایچنده کورونک ارزوسیه بی قراردر لر . دینه بیلیرکه فقر برفضاحت، فقرالق غیرقابل تداوی برسقو طدر! ایشه بویه برجعینده بویوک ثروتله قارشی بسله نیلن حسی سولیکه لزوم یوق . اللرنده پاره نك تراکم ابتدکی بر صرق شاید بولونورسه اونك ناصل پرستشه ممزوج برکین وحسدله قوشائیه جنی ده بک طبیی بر حالدر . ایشه تاریخ یهود . موسوی خلا فکیرلکنک روحنده برمایه حرص وارددر . بائقه به، بورس به سلاح بدست هجوم ایدنلر ثروته قارشی حس ایدیلن نفرتدن زیاده احتراض ثروته متحرک . آلتونک سلطنته قارشی عصیانلریمزک هپسی اسیل و بیفرضانه دکلدر . بورس او یونلری سایه سنده پاره قازانان تو ظهورانه حدتمز عادی مانورله صوبولان ضعمفانک محافظه حقوق اندیشه سی ویا خود فقرا حقنده حس ایدیلن محبت و مرحمتک نتیجه سی اولمقدن زیاده ثروته اولان حرص و حسد مزدن متولددر . بورس قرالارینه ، بویوک بائقه بارونلرینه قارشی خلقک اساس شکایاتی اونلرک بک چوق زنکین اولماسندن دولایی در .

جدأ دیندار اولانلرک بویاره قرالارینی هیچ قیصقائاملری ایجاب ایدر . چونکه انسان عینی زمانده ایکی اقدی به خدمت ایده مز . حضرت عیسا نامه وافتیز ایدلش درتیوز میلیون خرسئیاندن قاجی ثروته خدمت ابتدکی ایچین برعذاب درونی حس ایدیور . نعم ابدیه به نائلیت اندیشه سی شیمیدی بک آز . حقیقی خرسئیان وارمی سؤالی ارتق بحق ایراد اولونا بیلیر . نصرانیه اینانان، دعا ایدن قاتولیکلر، پروتستانلر، اورتودوکسلر، قاجی تام خرسئیاندر ؟ خرسئیانیت ناسک قسم اعظمی ایچین دساتیر و مراسمدن عبارت . استهزای شؤن ! خرسئیان تمییه ایدیلن اقوام بوکون ثروتی ضبط ایتمکله آهام ابتدکاری قومی بر درلو عفو ایده میورلر .

حال بوکه خرسیتانیت دنیایه فقرک اعاده شان و اعتباری ایچین گشدی .
حضرت عیسانک زادکانی فقرالر ایدی . عصرلرجه مدت مجادلدن ،
قهرمانانه مثاللردن صوکره فقرالق قطعاً مغلوب اولمشدر .

بوکون فقرالغک نه عشاقی ، نه ده قهرمانلری واردر . برنشانی کبی
آلمایه کیسه تنزل ایتیه جکدر . اوینسه بزکون طول ، بیکس و بی حامی
قالدی . موداسی کچن مناسر منزویلریله فداکارلق خسته لغه اوغرامش
بولان روحلردن ماعدا فقرالغه ملازمت عاشقانه ده بولنه جق ، قوللری
آچه جق کیم وار ؟ شیدی بزم پرستیده قلبن زنکینلکدر . وقتیه مشرکین
آراسنده بیله آرشیه قناعت ایدرهک فقرالغی مدافعه ایدن انسانلر
اکسک دکلدی . بز بوکون آرتق فقیر اولمای یلیورز . بوشبه سز علوی
برفقرک بخش ایده جکی حظوظات رقیقه بی حس ایدمه جک درجده قبا
اولمازدن دکل . بعضاً فقرالغک الطافی ، فکره و یردیکی حریتی ،
عالمیه کتیردیکی حضور و سکونی مدح ایدیورز . آرامزده انچه حسلیلر
کوزل بر لسانه فقرلقدکی شعری تصویر ایلورلر . بز شیدی فقرالقدن
ایشته بوبله شعرلرله خیالاً یاخود غائب ایتدکن صوکره خاطره سیله
ذوقیاب اولویورز . اوزاقدن اوزاغه فقرالغی بدیه خیالیه یایمق برنوع
شیقلق عد ایدیلور . چونکه زنکین اولق زمانزده عادی قبا برشی
اوله رق تلقی ایدلیدیکی کبی زنکینلکی ارزو ایتکده پک خسیس ، مسکین
برحس ! آرامزده اک صیمی اولانلر ، فقرالغی مدح ایچین قله آله جفی
نطقی آلتون برماصه اوزرنده یازان فیلسوفی تحطرایتدیرر . قویه دیرکه :
«حقیقی زنکینلر بوفقرا اولانلردر .» چالیشق ایچین برقله مالک اولان و پک
آرشیه قناعت ایدن کیسه لر ایچین پک دوغرو بر سوز . لکن شیدیکی
انسانلر دکل آزه چوق شیه قناعت ایتکی یلیورلر .

دین ذہبک بوپوک پاپاسی کی کوستریلہن یہودی دہ سیناوغوندمہ
 فقرالفک علویت وفضیلتی اعتراف ایدیور؛ کتابلری فقری تجیل
 ایلور. خرسٹیانلر ایسہ یہودیلکک تماماً مادی و ثروتدن باشقہ برشی
 دوشونمديکئی سوبلرلرکہ بو برہاندلر. ایشته زبور و تورات. فقط
 یہودیلر دہ خرسٹیانلر کی بویولده سوزلری یالکیز عبادتخانہ دہ ذکر
 ایدرک تطبیق ایتیمورلر. و شورشوراسنی دہ قبول ایتہ لیدرکہ عروق مختلفہ
 میانہ اک زیادہ فقرالفہ صبر و تحمل ایدن یہودیلر در: عالم موسویتہ
 اکثریت فقیردر. فقیر و متوکل. ذکادن باشقہ احتیاجاتی اولمایان، سعی و عملک
 ویرہ چکی ادواقدن باشقہ برشی ایستہ مہین یہودیلر ہنوز موجوددر.
 روسیادن، رومانیادن ہجرت ایدن صوک درجہ فقیر و تحمل پک
 چوق یہودی واردلر. لکن متمدن بر یہودینک بوکون پارہ آرقہ سندنہ
 قوشماسنہ تعجب ایتہ ملیدر. بو طبیعت اوکا اجدادن موروث اولمقدن
 زیادہ خرسٹیانلردن اوکرنديکی درسارک بر نتیجہ ضروریہ سی در.
 بین البشر بر آدم اولاییلہ سی، زندانلردن قورتولماسی ہب پارہ سایہ سندنہ
 دگی؟ حقوقی مدافعہ ایدن فیلسوفلردن اول کندی ظالمک قامچیسی
 آلتدن قورتاران پارہ در. آلتون اسرئیلک خلاصکاری، منجیسی
 اولدی. بوکون بیلہ ممالک مختلفہ دہ ازجملہ رومانیادہ، روسیادہ یہودینک
 حریتی پارہ جز دانک ایچندہ در. روبلہ یہودینک قالقسانی، زرہیدر.
 فرانسدہ بیلہ یہودیلرہ قارشى ایدیلن حرمت اکثریا اونک ثروتیلہ
 متاسبدر. ایشته یہودینک پارہ یہ محبتی بوندن دولایی پک طبیعی در.
 پارہ یہ قارشى بردفعہ یہودی پک چوق مدیوندر. و صوکرہ پارہ یگانہ
 قوتیدر. بو شرائط داخاندہ ہیچ پارہ یی سومہ مک اولورمی؟
 جمعیات جدیدہ دہ پارہ نک بودرجہ حکم و نفوذ صاحبی اولماسنک

اسباب مختلفه سی وار . بری شبهه سز فضایحمز . یالکز بوسبب دکل ، چونکه بابالریزدن دها زیاده فضایحه مالکیتزدن امین دکلز . امین و قطعی برشی وارسه احتیاجاتمزلک دها زیاده اولدیفی در . بوکون حر آدم پاره نك زیر بار تغلبندن کندینی تخلص ایده بیلن ، نفوذ مستولیانه سنه دها آز معروض قاهره احتیاجاتی جزئی اولان کیسه در . نیکهستی ، سوس ، ذوق حیات کی ربه لرله پاره بزى باغلیور . علوم جدیده ، صناعة احتیاجاتمزی بی نهایه برصورتده تزیید ایتدی . بو احتیاجات تکثرا بتدکجه وجودیمز ، فکریمز ده اولنسته پاره نك دهان حرص وطمعنده پارچه لانیور . انسانلر شیدیکی کی هیچ بر وقت بویله نامعدود احتیاجاته مالک اولمادی . ایشه حقیقت . حدود ضرورات دائماً رجعت ایتدی . یالکز بو ، پاره نك نفوذینی آکلاتمایه کافیدر . قباحه مدنیتمزده . حیات جدیدده هرشی مشوش . هرشیدک برقیقی وار . بدلی تأدیه ایتک لازم . بناء علیه پاره ، دائماً پاره ...

وفیات ، ازدواجات ، خفشیات ، جنایات ... کی حادثاتک اساسی هپ اقتصادیدر . اویله ظن اولونورکه قوانین حیاتییه اقتصاددن مستقلدیر . حال بوکه کیفیت تماماً برعکسدر . اساساً بر آدمک مدت عمری فقر و یسار شرائطنه تابعدر . و بو اوقدر دوغیر ودرکه اغنیانک عمر وسطیمی ۵۵'۵۶ یاش ایکن فقرانک الحق ۲۸ سندن عبارتدر . پارسک الک کبار محله سندن بری اولان شانزلیزه ده وفیات بیکده ۱۰ ایکن مون پاراناس محله سنده بیکده ۴۳ نسبتده در . ضرورت عاداتا حیاتک بر پارچه سنی کسوب بچجور . وفیات مؤسسات اقتصادی نك بر محصولیدر . چوجوقلری نظر دفته آلام . آلمانیا ده زنکین عائله لرك بش یاشندن دون اولان اطفالنده وفیات ۷۰٪ ، درجه سنده ایکن برلین فقرا چوجوقلرنده یوزده ۳۴ ، ۳۵ نسبتده در .

برو کسبلدهده سرمایه داران چو جوقلری $\% ۶$ عمله و خدمتچیلرک ایسه یوزده ۵۴ قربان ویرمکدهدر . ایشته زمانمزد عمر و سطینک مدتی شرائط ثروت و فقره کوره تبدل ایدیور . اسکی وقتلرده ایسه بویه دکلدی . هیچ اولمازسه اوزمان اولوم بیطرفدی . پاره سزافک الک مشموم نتیجه سی وقتدن اول اولمکدر . خسته لوقده عنصر اقتصادینک تحت تاثیرندهدر . مثلا ورم خسته لانی الایزاده فقرای سوئیور .

عدد ازدواجاتده بغدادی فیآنک تنزل و تریادیه مبسوطاً متناسب بر صورتده اینوب چیقیدنی محققدر . رفاهیت انسانلری اولنگه سوق ایدر . فحشیاتک سببی ده اقتصادیدر . بو بر طرفدن اولنه مین بیچاره ارککلرک طای دیگر طرفندن ده کچینه مین زواللی قادینلرک عرضی نتیجه سی در . هر کس بیلیرکه فحش بالخاصه ضرورتک دست آهیننده ایکله ینلر آره سنده چوققدر . انکلتزده بویوزدن کویلی قادینلر محو اولویور . آلمانیده فاحشه لرک مقداری سنین بحرانده تراید و رفاهیت خالده تناقص ایتدیکی آکلا شلمشدر . بوکون فرانسه نک برچوق شهرلرنده عمله قادینلر فابریقه لر دن چیققدن صوکره سوقاقلره دوکوله رک پک جزئی اولان اجرتلری فحشیات ایله اتمام ایدیورلر ! هله تیارودن عودت زمانی بویوک جاده لر بر مجرای لوٹ احتراصات حالنه کیویور . یوللرده تصادف ایدیلن الواح فجاعت بر قسم بدبختان انسانیتک حیات سفالت و عجزینی پک کوزل تصویر ایدر . جهالتده ضرورت نتیجه سی در . فقرا استفاده ایتک ایچین چو جوقلری هنوز کوچوک ایکن فابریقهیه کونده ریورلر . بومسأله حل ایدلمدن معارف عمومییه دائر قانون یایمق بی فائدهدر . دیگر جهتن انکلتزده یاییلان تدقیقاتدن مستبان اولدیفنه کوره مکاتب ابتدائیه دن بحق استفاده اولونامامسی چو جوقلرک آج اولماسندن دولایی در . آچلقدن شاشقین بر حالده اولان

زوالیله خواجه لرینک ایضاحاتی آکلا بامبورلر . آوروپاده انسانلرک اوندۀ دو قوزی ایچین حیات غلادستونک تعبیری وجه ایله صوگ درجه مؤلم بر مبارزه دن عبارت اولدیفندن انتحار کیندکجه تزیاید ایدینور، کثو اوستی مغفل بر خیال سعادت یاشامق ارزوسندن متولدر . بعض مملکتلرده عمللر ، کویلیلر بویوزدن عادتاً حیوان کی اولمشلدر . جنایتده اشکال بی نهایتی ائتده عوامل اقتصادیته نک بر محمولدر . ایتالیاده محکومینک یوزده ۸۰ ی فقیر و انجیق یوزده ۱۰ ی زنکیندر . بر چوق کیسلر برابر چاهک ایچین ایقاع جنایت ایدرلر . ضرورت وسفالتک دست غدرندن نه قدر قربانلر ، یتیلر ، سفالتلر ، کوز یاشلری ! ...

حاصلی هرشی بزه کوستریسور که حیات اجتماعیته نک صفحات مختلفه سنک علی اقتصادیدر . و انجیق اقتصاددر که درد اجتماعی بی تشخیص ایدرک تدای ایده بیلیر . وقیله انکلترونک الک بویوک محرر لرندن قارلایل علم اقتصاد « علم مشنوم » نامی ویره رک تزییف ایتدیکی کی مشهور تی رده جان صیقچی بر ادبیات دیبرک آلی ایتمشدی . شیمدی ایسه علم اقتصاد ، اقوامک ناظم افعال و مقدراتی اولدینی سوبله نیور . نه فرق عظیم ! فی الحقیقه زمانزده اقتصاد وطب ایله هیچ اکلنمیلی . طبک انتقامی جداول و فیاتمه محرردر . حفظ الصحه قانونلرینه عدم رعایت زمانلرنده وفیات خارق العاده بر صورتده توسع ایدر . فقط علم اقتصادک انتقامی دهآ آظمانانه دکلدیر . بواقوام جدیدته نک بحران اجتماعیلرنده ، ضرورت وسفالتلرنده مرئیدر . مواسم اربعه کی لایتغیر اولان قوانین اقتصادیته قارشی حقارت وجهات اجدادیمز حقنهدده موجب فلاکت اولمشده بزم ایچین شیمدی دهآ مدهشدر . زیرا اسکیدن عنصر اقتصادی مسائل اجتماعیته نک حائمه ایکیجی درجه حائر اهمیت ایکن بوکون موقع شرفده در . وبوکون جمعیت

بشریه بر تمامی اقتصادینک مواجهه سنده در ...

فقر الق حقه شناخوان اولاییلیرز. لکن ارض مقدسدن، ابتدائی یونانستاندن پک اوزاق اولدیغمیزی اونوتماهلیز، شیمدیکی فقرالق ارتق اواسکی وقار و سهولته مالک دکل. اوزمان مدنیت دهاساده، اقوام ده کج، سما دها رحیم ایدی. بر آووج پرنج، اون دانه خرما ایله یاشامیورز. قادیلر مزه ایسه هندویا و مصرک پشماللری هیچ کافی دکل. فقر الق اصالت و نجابتی قبول ایدن بخیار شرق، بخیار طفل مدنیت! بردها عودت ایتیه جک کچمش زمانلر!.. دنیا اختیارلدی. طوپراق صوغوبه رق دها آزمادرانه اولدی. مدنیت غریبه نک کیندکجه استیلاسنه معروض اولان شرق یاواش یاواش اولیور. مدنیت قاهره بوتون کره بی ضبط ایتک اوزر در. بز احتیاجاتمک اسپری، صناعاتمک محبوسی، سلطنت ذهبک منقاد بر بنده سی بز.

کته ناسک احتیاجاتی منابعنک بک فوقنده در. هر نسل ترقی نامنی ویردیکمز تعمیم مصارف، اختراعات کی موقیقاتله یکی احتیاجلر تولید ایدیور. شو حلاله ثروتی تحقیر ایتیه نک نه فائده سی اوله حق؟ نتیجه سی یا امرا لیک و یا خود بی معنا بر تشبهن عبارت. چولکه نتیجه ده احتیاجاتمزی تحدید ایتک لازمدر. بونی ایسه نه یا یا یلیور ونه ده ارزو ایدیورز. ایسترایسته مز شیمدیکی انسانلر کی یاشامق ایچین پاره بی نظر اهمیته آلمق مجبوریتندیز. قفاسنی طراش ایتمش، حیاتی فقره نذر ایله مش برهنه سرویا بر آدمک ثروت علیهنده اداره لسان ایتیه سنده بر معنا مند مجدر. فقط حیات کبارانه عالنده امرار حیات ایدن، ایش آرقه سنده دولاشان، بر کلاه قایمق ایچین قوشان ثروت مدها نلرینه بر حق موآخذه ویره میز. اساساً فقر قدر ثروت لهنده شناخوان اولمق پک قولایدر، ثروتک فضاحی، مهالکی

اغوا آتی اولدینی کی مزیات و فضائی ده واردر. اخلاق اعتباریه فقرالق و زکیئلکک بذاته بر قیملری یوقدر. ایکسی ده بزی نه یوکسلتیر، نه آچلتیر، نه تطهیر و نه تلویث ایدر. فضائل تطهیری و فضایل تلویثیه فقر و ثروته موجود دکلدرد. بونلر حسیاتمه، صورت استعمالزه کوره اینی و یا خود فنا اولایلیر. ثروته قارشى اقامه دعوی ایدرک عقلزک تصدیق ایتیه چکی بر حکم استحسانه چالیشقده نه قائده مأمول ؟ اموالی ترك ایله مناسترک برینه قاپانان آدمک ثروتی محکوم ایتکه حق آشکار . فقط ثروتی ، قدرت کلامیه و خطایه سیله تحقیق ایتکه ممنون اولان سفسطه پردازانه اهمیت ویرمه میلدر . سفالت بشریه نك مرارتلرینه بر ترجان نالشکار اولمق ، اگدکاری اکمی یین زکیئلری مواخذ ایتک ایچین انسان هیچ اولمازسه کندیسق بویوک و صاف تولستوی کی یاریم کوبلی یاپارق آلنه اوراقی آلمالی ، اونلرک حیاتلرینی یا شاملیدر . بناء علیه تولستویک پاره اسارتی تأسیس ، آخرک سعی و عملنی غصب ایدر یولنده کی مطالعانه مساعدده ایده بیلیرز . چونکه قولی فعلنه مطابق . صاحبان ثروته ، عظالت قارشى بر صحیفه قاره لدقبن صوکره اقشام قارخانه یه یا خود بر بالئی آلقیشلاق ایچین محافظه عصمت و زراعت قیودینی قالدیرمش بر تیارویه قوشمیور . قوجه تولستوی بانقهلری ، فابریقهلری ، یکی بابالاری ، مفسد اخلاق مدینتی هپ تنقید ایدیور . وقتیه روصو بزی ناصل طبیعته ، عالم وحشته عودت ابتدیرمک ایستیورسه تولستوی ، آرقامزه قویون دریسندن بر البسه کچیره رک بر روس کوبلیسی یایمق املنده در . مع مافیه هیچ اولمازسه بو بر مسلکدر .

واقعا ثروت علیهنده خطابت هر یرده عکس صدا تولید ایدیور . چونکه انسانلرک حرص واملنی ثروت قدر تحریک ایدن بر شی یوقدر . غنی و فقیرک اک زیاده مضطرب اولدینی المپاره یه پرستش ایتمکن کلیور .

هر کس حتی زنکینلره قارشى عصیان ایدنلر بيله قلمبلرنده پاره یه قارشى باعث ذلت بر حرمت بسلیور . یالکز پاره یه اهمیت ویرمک ، ثروته اعتبار اتمک ، انسانلری درجهٔ ثروتلرینه کوره تقدیر ایله مک . ایشته پاره نکه جکرلره آیتدینی قطرات سخوم . بو حالت روحیه اک کوچوک کویارده بيله مرئی . چوجقار بيله شیدی مکتبده آرقاداشلرندن کیلرک حاله سی دها زنکین اولدینی اوکرنمک اندیشه سی ایچنده . پاره یه حرمت شیدیدن دماغلرنده کوکشمش . دها دوشروسى بو طبیعت والده لرینک دها سودینی امرکن قانلرینه کیرمش . آمریقاده هرکسک قیمتی دولارلرینک عددینه نظراً مرتب . آرتق انسانلر روحلری ، دها لری ، حسلری ایله دکل مقدار ثروتلرینه نظراً حائر اهمیت و اعتباردر . بو طرز اعتبار یالکز اشخاصه منحصر اولمایوب مملکتلره ، قوملره ، شاملدر . « بو بر فقیر مملکت ! » ایشته یالکز بوسوزده نه درین بر حقارت مند میج . سه دان مغلوبیتدن صوکره فرانسه اوروپانک نظرنده آلمانیا به ویردیکی میلیارلری سایه سنده یوکسلی . اقوامک شیدی اک زیاده غبطه ایتدیکی شی ثروتدر . آلتونی محافظه ایچین ده دمیر لازم اولدینی اونو تماملیدر . بوکون بو بوک و کوچوک بوتون ملتلر بر قائدهٔ نقدیه و تبقه سی طرفداریدرلر . همیز سهای خویلیامزه بر باران ذهب سربه جک مسلك ارایورز .

۴

خسته لقی حاد و وخیم بر شکل آملقه برابر یکی بر مرض دکلدره میقروبی چوقدنبری وجود مزمده در . اوروپا اجنبی بر عرق ایله تماسندن قازانماشدر . بویالکز یهودیلره خاص بر فضاحت اولمایوب دنیا قدر اسکی بر خسته لقدر . دینه بیلیرک بو بر مرض خلقی که یکی واسکی بوتون اقوام

اوکا طو توملقدن کندیلرینی قورتارما مشلردر. انحطاطلرینک اسرار شامنده بوجعیات قدیمه نك خسته لئی ایدی. هر نه قدر بویالخاصه اختیارلق خسته لغنه مشابه ایسه ده کنج و دنج عرفلرده دوچار اولویورلر. پاره اسکی اوك بکیدر. بزم اوزریمزه اجرای حکم و نفوذ ایتمزدن اول عروق مختلفه دن مرکب ملتلر نزدنده اجرای سلطنت ایتمشدر.

پاره نك منابع قرالیتی تحری ایتک ایستیه نلر ازمئه قبل التاریخه قدر چیقمالیدر. «توازن دور» ک فتنی بوتون بار بار رؤسانک خولیاسی ایدی. پاره یالکز قارطاجایلر، فنیکه لیلرده حاکم دکلدی. یونان شهرلری مدیه محاربه لرندن، روما جمهوریتی قارطاجه محارباتندن صوکره پاره نك ربقة اسارته کیرمشلردی. دها شمیدن پاره رومانک قرالی اولیوردی. عینی حادثه بیزانسه ده واقع. باربارلرک استیلاسنی متعاقب مدنیت و تجارتله پاره کندیسنه بر باشقه شکل و مجری تعیین ایدیور. بوا عصار خرافاتک اک بیوک خولیاسی معادن خسیسه یی آلتونه تبدیل ایتکدی. واقعا پاره نك فتودالیه ده بر موقعی یوق ایسنده ثروتک یکانه اساسی اولان طوبراق او زمان هر یرده انسانله بر اقتدار بخش ایدیودی. او درجه ده که متصرفلری نتیجه حاکمیت ادعاسنه قیام ایتدیلر. هر صاحب ارض مالکانه سنده بر قرال کبی اجرای سلطنت ایدیوردی. دینه بیلیرکه فتودالیه اصحاب اراضینک بر سلسله مراتبی ایدی. ازمئه جدیده ایله فتودالیه زماننده کی الکیو ک فرق ثروتنه طبیعی و صورت استحصالی نقطه نظرندندر. بکلاک ادارسنده اغنیاک قوتلی اولانلر ایدی. ثروت و قوت الفاظ مترادفه دن اولوب بو ایکی شی یکدیگرندن غیر قابل تفریق عد اولیوردی. قرون وسطانک صوکنه دوعرو ثروت معقوله میدانه چیقیور. پاره صناعت، تجارت، مالیه کبی اشکال جدیده تحتده دولتک برنجی قوتی اولپور.

آلب طاعلرینک شمالنده ، ایتالیا جمهوریتلرنده ، فرانسه ده ، فلاندرده ، آلمانیا ده صنف متوسطاتک الذده معاصرلرینک غبطه وحیرتی جلب ایده جلگه درجده بیوک ثروتلر وجوده کلیور .

قرون وسطا عالمی کچمش . فتودالیتیه شکل اداره سی اهمیتنی غائب ایتمش . فقط یاره نلک نفوذ و اقتداری هر یرده بویومکه باشلامشدر . یاره فتودالیتیه نلک یرینه قائم اولمش و قراللر انجق بوتک ایچین چالیشمشلردر . رونه سانس دورینک آوروپاده کشاذ ایتدیکی یکی سناحه حیاتده آلتون حامی حکمفرما . انکلترده ، اسقاندینا یاده ، آلمانیا ده ره فورمانک پرنسلر و بکلر ایچین اک مهم وفائده بخش قسمی کلیسا اموالنک تقسیمدن عبارتدر . قاتولیک اسپانیاده قولوب و طرفدارانی هندوستانه دوغرو سوروکله یین قوت عشق صلیب ایله برلشن آلتون محبتی در . بر ایکی عصر صوکره هولانداده ، جنوه ده ، انکلترده ، حتی فرانسه ده بیله صحنه یی یکی مالیه کییریور . تاجر جمهوریتلر بو شکل جدیدک بر دوره استحضاریه سیدر . فعالیت حیاتیته نلک مستحضرلری اولان بویوک بانکرلر و تاجرلر پیدرپی سرایلرک قاپوسنی زورلامایه باشلایورلر ، عنوان اصالت صاتون آلیورلر . قاریلری ، قیزلری ایچین بیله سرایده بر موقع استحصالنه موفق اولیسورلر . آرتق زمانمزه کی بویوک بانکهلرک محشم مبشرلری میدانه جقیور . اون دردنجی لوئی نلک قرووازا و ساموئل برنار قاردشلی وار . اون بشنجی لوئی ده جون لایور فقا سنه مالک . مارلیده اون دردنجی لوئی نلک ساموئل برنار ایتدیکی التفادن دولایی پک زیاده حدتله بن زادکان بالاخره بوقیل حریفلره قیزلرینی ویرمکدن ازانامیورلر . اداره قدیمه نلک بوتون قواسنی خاک ایله یکسان ایتدیکنی ادعا ایدن اخلاخل کیری متعاقب هپسندن اول درحال میدانه چیقان یینه یاره

قوتی اولدی . اختلازده قرالر کی یلمیهرك پاره ایچین چالشیوردی .
اختلال بر جوق ملزملری اعدامنه رغماً پاره آدملرینك زمین جولان
تطبیقاتی توسیع و تزیددن باشقه برشی یامادی . مع مافیه پاره نك صورت
سلطتی بوتون ازمه واشكال حكومتده عینی اولدینی ادعا ایدیلنه من .
اعصار سابقهده پاره نه قدر حائز اقتدار اولورسه اولسون ماضی ایله حال
حاضر بیننده بر فرق موجوددر .

وقتیله پاره نهدها قوتلی ، نهدها زیاده متواضع ونهده شهنه سزدها
زیاده تمیز ایدنی . لیکن اسکیدن اقتدار ونفوذی عربان بر حالده اصلامرئی
دكادی . پاره بالذات اجرای سلطنت ایتیموردی . بر اعتیاد قدیم نتیجه سی
اولق اوزره كندیسی کزلیهرك اوصاف والقباب مختلفه ایله سوسله نیوردی .
بوكون ارتق کزلیهرك احتیاجی حس ایتیهرك کندی نامه اجرای سلطنت
ایدیور ؛ منابعك عادیلکنی ، خلقی قبالقی اورمك ایچین بر باشقه سنك
عنوانه ، البسه سنه احتیاجی یوق . یوزنده کی نقاب کذب یه آنه رق ناموس
وعصمتی اصلا رنجیده ایتکسین کاملاً حر و عربان بر شکل آلتنده
کورونیور . بوتبدله سبب مدنیتدر . صنعتلریمز ، علملریمز ، کشفیاتمز
پاره نك اقتدار مطلقتی احضار و تأیید ایتدی . بخار قوتی ایله معدن کمورینك
استعمالی ثروتی یوز مثله چیقارمش ، علم طبیعتی تبدیل سایه سنده صنایع
جدیده ثروت فوران ایتمش و یونلر جهانك بر نقطه سنندن دیگر نقطه سنه
قدریکی مجر الرایچنده آقوب کیتشدر . ثروت منقوله ، ثروت غیر منقوله یی
ایکجهی درجه یه آنه رق اونك یینه دهه سریع ، دهه ناپایدار ثروتلر اقامه
ایتدی ، بو کیفیت بوتون اختلالات سیاسییه درجه سنده مهم براختلال
اجتماعی در . بوتون اختلالات تاریخیده فکرک بر خصه سی واردر .
ایشته پاره نك تأسیس ایتدیکی قرالیت جدیده نكده اسباب اقتصادیه دن ماعدا

اسباب اخلاقه و روحیه سی وارد ر . بونک بری دینی دیگرینده سیاسی در .
برنجیسی خرسیتانلغک ضعیفی اینکجیسی ده ده و قراسی تسیمه ایدیلان شکل
حکومت و طرز حیاتک یرلشمه سی .

روحلره یکی براعتیاد کیرمزدن اول اعتقادات قدیمه نک انحطاطی لازمدر .
پاره نک سلطنت سابقه سینه قارشی و قتیله دین کبی بر قوت واردی . دین
ثروتی مغلوب ایدمه مملکه برابر اونکله مبارزه ایتمکدن خالی قالمایوردی .
آتشین بردور اعتقادده مذهب پاره یه غلبه ایدمه مزسه اعتقادسز بردورده
نه اوله حق ؟ هیهات ! دین هیچ اولمازسه ثروتک و بریدیکی نخوت و استکباری
تعمیل ، طنطنه سنی تحدید ، منبخی تطهیر ایتمکده صورت استعمالی اخلاقی
یا پامیه چالیشیوردی . دین زنکینلرک حرصنه کستاخلفه قارشی برکمدی .
معابده فقرالعک علوی حقه و عظم و نصیحت ایدیلیوردی . آوروپاده
قرال و قراچهلر بالذات اللریله فقرانک آیاقلرنی بیقایه رق فقره قارشی
بر نشانه حرمت کوستریبوریوردی . اغینا ثروتک خزینه دار و موزعلری
اولوب متصرف حقیقی ، مالک الملک انجق الله اولدینی سویله نیوردی .
شبهه سز ، بودرسارک صاغر قوللاقلره دوشمه سی بی فائده ایدی . فقط اوزمان
هرکس حیاتنده زنکین اولمقدن باشقه بر بدیعه خیالییه مالکدی ، اسکیدن
عمومک کوزلرنی آلتون باصه ماقلی ، کوموش ترابزانلی مریدیون
قاماشدیریوردی . سعادت اخروییه بی تأمین ارزوسی نه قدر ذاتی
و خودکام اولورسه اولسون بو اندیشه انسانی بعض ساعتلرده پاره
ییمقدن منع ایدره ک اونک استحصال و استعمالی حقه بر فکر اخلاقی
بخش ایدیوردی . اورتادن بو اندیشه ده غائب اولدقدن صوکره سویه
اخلاق عمومییه تنزل ایتدی . حیای دینان حس اصیل آرتق قالمق
اوزره در . شیمدی ایش موفق اولمقده . رحیق موفقیته مستی دلفری

هر شئی اونیوتدیروب هر درلو دناشلی عفو ایشدیریور ! اُک صمیمی
اولانلر وجدان و ناموس دینلانی شیرلک موضوعات کاذبه دن عبارت
اولدیفنی علناً سویلیورلر . متین وقوی آدملر بوقیل قیادت واعتقاداتی
اوزرلرندن آتمق حقه مالک . نیمه دیورکه « دماغ بشر استنا ایدیلیرسه
کائناده نه برذرء عدالت ونده ظل اخلاق واردر . اخلاق انسانلرک
برقانون خصوصیی اولوب طبیعته یوقدر . وجدان ، اخلاق انسانیتک
برضعفی ، بسته لغیدر . عالمه ، اولاد محبت ، احتیاط ، اعتدال ، مرحمت
هپ مقاصد خود کالمانه دن منبعث شیرلدر . کتله ناس هر وقت عاجز
وقورقاق برسروردن عبارت اولوب انسانیتی شخصلرنده تجسم ایدیرن
دائماً برفته منوره در . دنیادن ممتاز ومستنا انسانلری قالدیرمایه چالیشمق
برجتندر . اخلاق نسیمه ایدیلان شی هرکسه تشمیل ایدیله من . اخلاق
عمومیه بوتون انسانلرک عینی طبیعته اولمانی مقتضیدر . بواسه یاکلشدر .
اخلاق عمومیه تعیریخی فکر مساوات تلقین ایتشدر . انسانلر کویا مساوی
وعینی طبیعته ایمشلرکی عنی قانون حیاته تابع طوتولمشلر . حال بوکه
انسانلر نه مساوی ونده عنی فکرله متحرک ومتحسدرلر . عالم انسانیتده
بویوکلر وکوچوکلر واردرکه هپسنک قاعده حیاتی باشقه باشقه در . مساوات
واخلاق عمومیه بدلالقدر . بشریتده بویوک وکوزل هرشی آریستوقراسی
طرفدن ابداع ایدلمشدر ... ایشه بوصورتله ضعف اعتداله برابر حس
اخلاقیده محو اولمق اوزره در .

دیار متمدنده طرز تلقی حیات شمیدی هرشیده دیکشمشدر . وقیله
انسان ایچین آلتون جنتدن باشقه برجت ، ثروتدن باشقه برنسغ حیات
واردی . موسویلرک موفقیتی بوتون امیدلرینی بوارض سفیله ربط ایتملرندن
منبعث اولدیفنی سویله نیردی . زمانمزه هرکس بویله . حیاتبه برلکده هرشیک

محو و تباه اوله جنی تکرار ایدیلیور. افق بشر دارالدی : انسانلرک نظری
طوبراق و طوبراغک منافعی ایله محدود. بوتون سمای مکوک برردای رصاص
ایله مسدود! موسوی و خرسیتان بوکون مواعید مستقبله ایله قناعت ایتمه رک
یو عالم دن حصه سنی آلق املنده. شیدی هرکس حصه سماویه سنی یر یوزنده کی
نعمتله مقابل همان ترک ایتمه کمهیا. ذوق عمیق حیات، نیکهستی. لوازم حضور
و استراحت نامنه شیدیکی انسانلر یگانه قانون مطاع اوله رق باره بی طانیورلر.
ارتق فکر خرسیتانیت، حس مرحمت برمینای مکسورده کی رایحه کبی
آغیر آغیر سمایه کیدیور. مبارزه حیات زمانرک دینی، قانونیدر.
خلقک دماغنده ایسه مبارزه حیات پاره ایچین مبارزه دن باشقه برشی
دکلدر.

یکی انسانیتک وظیفه ابتدایه سی فقر القدن خلاص اولمقدر. بوتون
صنوف، بوتون عروق متساویاً اونک ربه تذلیدن تخلص حیاته چالیشیور.
حکما و سیاسیون جمعیت بشریه نک مقصد و غایه سی ثروت اولدیغنی سویلیورلر.
فقر الق هاله اسرار انکیزدن تجرید ایدیلرک انظار ناسده هر درلو اهمیتنی
غائب ایتمشدر. شیدی فقر الق بی معنا برشی، عقل و طبیعت قارش بر
حقارت، فرد ایچین برعار، جمعیت ایچین ده برسوایدیر. فقر لق حیاتک
طرز جدید تلقیسنده هیچ بر موقمه مالک دکل. تولستویه کوره یکی انسانلرک
ارزونی بر اعصاب حظوظات پاکتی اولمقدر. حظوظاتک مفتاحی ایسه
پاره در. پاره بوتون لذا ید دنیویه اوزرینه کشیده ایدلش بر پولچه در.
اکلنک، ذوق ایتک، حاصلی بوتون معناسیله حیات یاشامق نوع بشرک
بدیعه خیالیه سی اولدی. یر یوزنده کی جنتلرک ابواب حشمتی آجان پاره
حیات بشرک اک معظم عاملی، شرائط موجودیت انسانیه نک حاکمی، بوتون
ذوقلرک مقسیدر. ثروت حظوظاتی تنویدن، ذوق آشنای نفائس ایچین

اونی بیک درلو اشکال رقیقه یه تحویل ایتمکدن باشقه برشی دوشونمیه رک ملتۀ فساد اخلاق، مادیتپرستک درسی اوکره تیور. آبدات زینت و سفاهت، مرصع و مذهب ده قورلر، جاده لردن برر موجه نور سرور کی آقوب کیدن او تومویللز ظاهرینان عوامه پاره دن باشقه برقوت طانیامسی ایچین عادنا وعظ ایدیور.

هر درلو عقیده دن آزاده اولان زمانز یکی بر شرکه دوغرو قایمقدردر. حضرت موسانک امتی وقتیلۀ اتوندن بر بوزاغی یاپه رق طایفه باشلامشلردی. شیمدی او بو بودی، سیمزله دی، پرستشکارانی جوغالدی. هرکس اونک اطرافنده رقص ایدیور. اکیلک بیلنه یی جبهه لر اونک تصاییری حضورنده سرفرو برده زمین! اک ناموسلی قادینلر ثرونک ایجاد ایتدیکی رعشه نودن متلذذ اولق ایچین فدای ناموس ایدیورلر. آرتق بشریتک وجدانی، رهنگای فضیلتی پاره در. ازمنه جدیدۀ نک رها کاری، منجیسی، معبد جدیدی ده بور-در.

۴۳

پارۀ نک بودر جه اتساع نفوذینک دیکر سببی دده موقراسی در. ده موقراسی اسمنه و غما پارۀ نک حاکمیتنه طرق جدیدۀ کشاد ایدیور. ده موقراتیک جمعیانک صفات کاشفه سندن بری ده منافع مادیه نک یعنی پارۀ نک تفوقیدر. همان هریرده ده موقراسی پارۀ نک اجرای سلطنت ایتمه سنه باعث اولدی. بونده یهودیلرک هیچ بردخلی یوق؛ بوتارینخک تکامل طبعیسی در. جمعیتده بعدما سلسله مراتب مفقوددر. انسانلرک مناسباتنده پاره ایله مؤسس روابطدن باشقه برشی یوق. بحق ادعا اولونابیلیرک ده موقراسیلرده پاره حکمدار مشروعدر. قرالینک، اصلتک، کلیسانک خرابه لری اوستنده شیمدی پارۀ نک سلطنتی مؤسسدر. اطرافنده تراکم ایدن کتله انقاص اورتاسنده

اختلالانك ييقوب دورديكي زمين اوزرنده بنای اقتداريني وضع ايله مشدره .
 وقيله پاره نك مواجهه سنده تأمین موزانت ایدن باشقه قوتلر واردی .
 بو قوتلرک شیدی همان هپسی محو اولمشدر . تأمین موزانت ايله جک
 برشی یوقدر ، امتیازات قدیمه نك الغاسندن یکانه مستفید پاره در . هرشی
 ییقلدینی حالده یکنسق بر زمین اوزرنده آناقده قالان یالکز پاره در .
 وانسانلری صنوفه تقسیم ایدن ده بودر .

هر شکل جمعیت بر آریستوقراسی ايله کبه در ، قوی یك دوغرودر .
 یعنی هر زمان موقع اجتماعینی ايله محکم ایدن بر صنف اولمشدر . حال بوکه
 برده موقراسیدن ، مساوات اوزرینه مؤسس بر جمعیتدن پاره نك ایلا د
 ایدم جکی بر آریستوقراسیدن باشقه نه اولایلیر ؟ بر چوق فیلسوفلرک خولنا
 ایتدکری کچی اصحاب نیقت و ذکادن متشکل بر اصالتی ؟ لکن ملت بونی
 ناصل تعیین ایدم جک ؟ زواللی خلق بو بایده نه درجه کافیه ده معلومه
 ونه ده وسائطه مالک . ملت حقیقی بویوک آدملرینی طمانیر ودهاته ايله
 آوانتوریه لری بر برینه مزج ایتزه کندیدی ایچین بویوک بر شرفدر .
 واقعا نظر یانده علم ، صنعت ، مزیت پاره نك دائماً فوقنده در . فقط بتون
 بوشیلرک بر علامت خارجیه سی یوقدر . ذوات متحیزه بی توقیر ایچین ایجاد
 ایدیلن مختلف نشانلر ، متنوع روزه تلر دناتک ، انتریقنک مکفاتی اولیور .
 کتله ناس ایچین قابل تماس و آکلاشیله بیله جک یالکز بر نشانه تفوق وار .
 پاره . پاره به قارشى هم عصیان ایدیلور و هم شدتله ایسته نیور . میلیونلر
 حقنده حرمتله ممزوج بر حسد حکمفرما . وقيله اعزه ایچین یایلدینی کچی
 شیمیدی ده بالخاصه آمریقا میلیاردلری ایچین غزتلر انواع قصص و روایات
 یازیورلر .

ددموقراسی « پلوتوقراسی » تسمیه اولونان بر صنف زادکان وجوده

کثیر . بو بر قانون طبیعت ، قانون تاریخدر . بتون دنیاده ازمئه قدیمه دن زمانزه قدر ثروتک ممتاز بر موقعی اولمشر . ایشته شیدیکی آمریقا . بو بویوک جمهوریتک حکمداری قرال دولاردر . آوروپاده آمریقایللاشق اوزره بولونیور . اساساً « پلوتوقراسی » نه آمریقالی ، نه آنفلو - ساقسون ونه ده موسویدر . اونک عرقله هیچ بر مناسبتی یوقدر . بو بر حالت اجتماعیه نک نتیجه سی در . اوصناعت و تجارتک تفوقدن میدانه کلیر . یکی ده موقراسیلرده پاره نک افتدار خارق العاده سنه قارشی حقیقت حالده یالکز بر قوت وار . بوده استفاده اتمک ایچین اندیشه ناک بر حالده انتظار ایدن بر خلقک حرص وارزوسی . ۱۷۸۹ تاریخنک صاف اختلالجیلری بوتون امتیازاتی قالدیر مقله مساواتی صورت قطعیه ده تأسیس ایتدیکرینه اینامشلردی ! بومساوات اوزرینه وحدت ملیه بی وضع ایله مک خولیا سنده ایدیلر . بعدمانه صنوف ، نه ده سلسله مراتب . عینی خمیردن یابیش متجانس بر قوم اوله حق ایدی . اختلال همان یتیش ، امتیازات هنوز قالمش ایدی که یکی بر سلسله مراتب ، یکی مبارزلر ، یکی صنوف دوغدی . جمعیت بر طرفده اغیاء دیگر جهتدن فقرا اولق اوزره صنفله آیرلمشدی . ۱۷۸۹ دن اول فقرانک شکایته نامه لرنده یکدیگرندن جدا متفرق بویله صنفلرک اولنا یه جنی محرردی ! کنج دیسرا ئللی ۱۸۴۵ تاریخنده انکلیز ملتی حقنده ایراد ایتدیکی بر نطقده انکلیزلر مختلف ایکی منطقه ده اقامت ایدیورلر مش کی ایکی قومدن مرکب که بوا یکیسنک آره سنده مناسبت و محبت مفقوددر ؛ اونلر نه عینی تربیه یه ، نه عینی حسیاته ونه ده عینی اخلاق و عاداته مالکدر . . « دیمشدی . بوسوز بالخاصه نصف عصر دنبری نه قدر دوغرو ! وحدت ملیه همان هر یرده بوزولش ، چونکه وحدت ملیه یرینه صنوفک منافی قائم اولمشر که بو پاره نک سلطنتی نتیجه سی در .

کته ناسی شیدن صوکره امتیازات اولیه جق دینه تأمین ایتشدک .
 حال بوکه ثروت اوکا الکیو یوک برامتیاز کورو نیور . شایان نفرت وشایان
 غبطه برامتیاز . بز بر طرفدن ملته ثروت ، ذکا وسعی وعملک بر مکافاتی اولدیقی
 آکلاتمایه چالیشیورز . فقط ملت کندیسنی الکیزیده متأثر ایدن مساواتسنزلی
 نعم دنیویه نك صورت غیر متساویه ده انقسامنی مشاهده ایله دلخون اولویور .
 و بز انسانلرک دنیا به جز و مساوی اوله رق کلدکیرینی اوکرتدیکمزدن ،
 مشهود اولان مساواتسنزلی کندیلرینه برحقسنزلی کبی کلپور . محضر
 قانونده مساوات ، مساوات سیاسیه ، رأی عام مغفل وتسلیتکار سوزلردن
 باشقه برشی دکل . ملت نظر نده اختلال کبیرک اثری انجق مساوات
 اجتماعیه ایله اکیال ایدلش اوله جق . «شیدی نوبت سرمایه دار صنف
 متوسطده» . صاحب ثروت «تیه رزه تانک آرقاسنده دردنجی نه تا» دیکلیمش
 برفغان اشتکایو کسه لیور . تکامل غایت سریع . پاره نك حاکمیتنه باعث اولان
 ده موقراسی شیدی پاره به قارشی عصیان ایدپور . بوتون اختلالانک اقنومی
 بعدما بورادن کله جک .

پاره نك بخش ابتدیی اصالت بوتون آریستوقراسیلره نسبتله اک محق
 وعمومه اک زیاده کشاده اولقله برابر الکیزیده غبطه وحسدی تحریک ایدن
 اک آز حس حرمت القا ایدن ده کندیسیدر . احتمالک انسانلر نسل
 وقوت اساسی اوزرینه مستند امتیازه ده زیاده متحملدرلر . پاره ده بذاته
 اصل هیچ برشی یوق . ماضیسنده کوزلریمزی قاشدیره جق قهرمانانه وقایع
 مهمه ، وظائف عظیمه نك ایلا د ابتدیی حکم ونفوذه خلقی علو جناب
 وانجه لکار مفقود . پاره کندینی سودیره مدییکی کبی ثقلت تغلی امثاله
 نظراً خفیف دکل . فروق اجتماعیه یالکز ثروت اوزرینه مؤسس . بر
 ملکته هرکس نه به مالکسه ادنی کوسترمک ایستر . صوکره دن کورمه لر

بر لایقیدئ بی انصافانه اینه اوجاع محرومیت ایچنده اینکله یئرلی ده‌ها زیاده
 برنجیده ایدیورلر. زنکینلرله تماسدن متولد احتیاسات مسعومه ایچنده زهرلنوب
 تباه اولمش نه قدر زواللیر وار! فقرانک رعود انفصال و تظلمه رغماً
 زنکینلرک دبدبه وطنطه سی، احتیاسات اختلالکارانه نك بی شبهه اك بویوك
 بر محرکیدر. زنکینلرک بتون حظوظ آندن عبارت عقیم و محقر حیاتلری
 فقرای قودورتیور. ده موقراسیلرده ایکی شی ثروتله برابر حق تصرفی
 رخنه دار ایدیور. بریسی ثروتک طرز استحصالی؛ دیگری ده صورت
 استعمالی.

بعض ثروتلرک طرز استحصال و استعمالی خلقه ضلالت وجدان ایراث
 ایده جک صورتده در. سوسیالیزم امکان مسعودیتدن قطع امیدنلر ایچین
 بر نغمه تسلیمکاردر. ظن ایدله سین که سوسیالیزم مسالکندنه بو عالمک منافعه
 قارشی لایقید بر فکر توکل وفداکاری مندمج. بالعکس سوسیالیزم
 بر نوع مشتهات سندیه سیدر. ممنونلر و ناخشنودان حقیقت حالده عینی
 فکرله متحرکدر. بری ثروتی آلمق دیگری صافلامق ایسته یور. ایکی خودکام
 بر بریله بوغوشیور. مقام اقتداره کلن منوفک کافه سی ثروته نائل اولمق
 ایچین اقتداری برواسطه اتخاذ ایتشلردر. شیمیدی صیراده موقراسی به کلدی.
 هرکس نیک هستی و استراحت ارزو سنده. بونک اسعافی بر معجزه یه وابسته.
 چونکه سعی و عمل تناقص ایتدیکی حالده ثروت تزايد ایده جک. حال بوکه
 سعی ثروتک اك بویوك عاملیدر. بو وقتيله بعض پرنسلك تحت حمایه سنده
 معهود کیمیا کرلرک باقیری آلتونه تحویل ایچین چالیشمالرینی تخطر ایتدیرر.
 شیمیدی سوسیالستلر اکیر اعظمی تحری ایدیورلر. جاهل خلقه قارشی
 جمعیتانی آریته رلرک یکی باشند دو کیمکی تعهد ایتشلردر. بو بایده پوته لری
 دولت، قالبلری ده قانوندر. اختلالات مستقبله پاره نك نفوذ حاکمیتنه

نهایت ویره جگنی هیچ امید ایتمه ملی . چونکه پاره اوپله بر حکمدارکه خلع ایتمک ایچین یالکیز خای اعلان ایتمک کافی دکل .

زمانمژ مرض اجتماعیسنک اک جالب اندیشه علامتدن بری پاره نك پولتیقه ده بر آلت انفاذ واجرا اولماسی دره . شیمدی پولتیقه برنوع تجارتدره . واقعا اخلاقسزاق ، ارتکاب پك قدیمدر . آوروپاده بر زمان اولورکه پارلمنتولر ، قرالار هپ صاتیلقدی . ورسای سرایی بوتون وجدانلرک تعرفه سنی بیلیوردی . یالکیز ده موقراتیک اداره لرده ارتکاب وارتشا دائره سی ، جهت تطبیقه سی پك زیاده کنیشه دی . مثلاً طفیلیت سیاسیہ مقدما بر صنفه ، زادکان وبندکانه منحصر ایکن شیردی هرکسه شامل بر خسته لاق . شجره اقتدارک بوتون اوراق و اغصانی هرکسک الی یتشه ییله جک برسویه یه ایندیرلیدکندن بوتون صنوف اونک آلتون میوه لرینی طویلامق ارزوسیه یانوب طوتوشیورلر . فساد اخلاق دائره سی آرای عمومی و طبقات جدیده نك میدان چیقماسیله توسع ایتمدی . یکی کلنلرک احتیاجاتی فضله ، خیالری نقصان . هپسی حصه مند ذوق جاه اولمق املنده . مدنیت و صناعتک ترقیاتی ، آنونیم شرکتلرک احداثی ، حصه سندانى ، سندیقلر ، مؤسسات اعتباریه خرسزاق ایچین وسائط مختلفه احضار ایتمدی . کیای جدیدک عموم نبایه سی کی زمانمژک عالمانه ارتکاباتی ده هیچ بر نشانه ، بر ایز براقیور .

ارتکابات ، اختلاسات ، اسرافات ، تعبدیات اساساً هر شکل اداره ده وارددر . حریت سیاسیہ مفقود اولان و بناء علیه مراقبه اصولی اولمیان مملکتلرده منع ارتکاب دهامشکلدر . فقط حکومت مطلقه ده پاره حکومتک یایلرینی بوکه بیلیرسده قانون یایاماز . ده موقراسیده ایسه تشبث اخلاق زمانلرنده بالخاصه پاره قانون اولور . ایسته آمریقا و قیله اسکی

دنیاك فساداخلاقندن قاچان مهاجرین ایله شیدیکي آمریقالیلر آراسنده نه
 فرق عظیم ! پولتیقه اوراده آرتق منافع خسیسه بشریهك وسائط استیفا سی
 تدارك ایدن بر صنعت اولدی . ارباب ناموس ملوث چركابه لرده بوغولغه
 محكوم اولماق ایچین پولتیقه دن فرارایدیورلر . اوراده فرق سیاسیه ، مالیه
 غروپلری طرفندن اللرینه سلاح وپاره توزیع ایدیلن کوکلی عسکره بکزیور .
 تروستلرک اوینادینی رول جملهك معلومیدر . بوتون حکومتلر صناعتکار
 بر جمعیتک تابی ، قونفرده مشتهات منفرده ك خادمی ایدی . معادن متصرفلری ،
 شین دوفر قراللری ایسته دکلری قانونلری استکتاب ایتدیر یسورلردی .
 ماق کینه ی و شرمان قانونلری بو صورتله یاسیلدی . بو قانونلر
 یالکز بر صنفی زنکین ولکن مملکتی فقیر ایتشدیر . جمهوریت فرقه سنك
 مدید اداره سی محتکرلرک ، تروستلرک ، انحصار جیلرک نسلی ایدی .
 ۱۸۹۳ ده قولولاند ایله ، مماشات و مدارا ییله یین ناموسلی ده موقراتلرک
 مظفرتی ایله بر مدت ایچین بر عکس العمل حصوله کلدی ... دنیاك هیچ
 بر نقطه سنده باره ك تحکمی آس بقاده اولدینی کبی بی ناموس وظالمانه دکلدر .
 قونسولوسنق زماننده وبوتون اون دوقوزونجی عصرده اداره دولت
 باینده ناموس وعفتک بر نمونه سی کبی قالان فرانسه ده پولتیقهك شایان
 نفرت خسته لغنه طوتولدی . قرحه افرنجیه ، اوچرکین قرحه آکله جمهوریتی
 باشندن کیمر مکلا باشلادی . پاناما رذالتی پارهك وسعت وعمقی کوستردی .
 سمسارلق حیات سیاسیه یه کیردی . پارس ماجرا پرستلرک ، هر نوعدن
 دولاندر یجیلرک مرکزی اولدی . چونکه مشهور ضرب مثلدر : دلیک خرسزی
 دعوت ایدر . سرسریلر ایسه فرانسهك محافظه دیوارلرنده نه قدر آجیق
 دلیکلر بولدیلر ! طرف ملتدن حقوق خزینه یی محافظه یه مأمور ایدیلان
 بکجیلر خرسزلره اشارت ایدر ، اونلرک دمیر پارمقلردن ، خندقلردن

آتلایه رق ایجری کیرمه لرینه یاردیم ایتدی لر ! بوراده بی شبهه اك قباحتی
اك رذیل بولیتقه جیدر . پاره آدمی ، قار باز مردار صنعتی اجرا ایدیور .
فقط اوتنه کی ؟ اومله قارشی عفو ایدیلر بر کنه هیت ایشلیور . او
دروننده وعظ و نصیحت ایتدی کی معبدی قارا کلقده تلویث ایدن و دینی
عادتاً سودی صاغبایر بر اینك یاپان پاپاسه بکزر . عجبا جمهوریت ده ملتک
برچوق منتخبلری ایچین باشقه بر شیمی ؟ بولیتقه بوقیل حریف لک نظرانده
اینك خلقی حد تلن دیز مکسزین صاعقی صنعتیدر . شرکات خصوصیه دن
میلیونلر آشیرمقدن آرتق نه دن تردد ایدوب نه دن اوتانه جق ؟

بولیتقه قولیس لرانده پاره نك رولی کیتدجکه کسب اهمیت ایشیور .
اسکیدن ایمراطور لک ، سرائک اخلاق سزاقنه قارشی نوران ایدن ناموس
ملی شیمدی ناصل محافظه عصمت و نزاهت ایده یله جک ؟ اوزمانکی
اخلاق سزاق تماماً سطحی اولوب ملتک اعضای اساسیه سنه استیلا ایتمه مشدی .
حقیقت شوکه فرانسزلر ماضی حقنده لزومندن فضله ظالم و حال حاضر
ایچین ده پک زیاده مرحمتی اولوبورلر ! ناموسلی لوئی فیلیپ حکومتمده
مشهور توقویل کندینی بر حکومتک مواجهه سنده بولمقدن زیاده برصناعت
قومپانیه سنک قارشیسنده کورپور حیسنده ایدی . بوکون کلسه نه دیه جک ؟
پاره ایچین ، پاره ایله ... ایشه اسکی و بیکی دنیا بولیتقه جیلرینک دستور
حرکتی . منتخب و منتخبلر متقابلاً یکدیگرینک افساد اخلاقنه خدمت
ایدیورلر . بورسه سندیقهلرینک یاننده شیمدی عینی اصولار داخلمده
بربرینی حمایه ایله این انتخابات سندیقهلری وار . انتخابات سیاسیه دهده اك
بویو ک قوت پاره اولدی . اك دهشتلی رادیقال و سوسیالیستلر مؤسسات
مالیه نك معاونت تهذیه لرینه تنزل ایدیورلر ! چک جزدانی ایشه برچوق
بولیتقه جیلرک بهای مذات و مسکنتی . بوزواللی جزدان اك غیرتلی

دینسزلرک، اک آزعین جمهورجیلرک دھان حرص وطمعاندہ نہ قدر
پارچہ لندی !

پارہ نک نفوذ و مداخلہ سی نظارتلردن، مجالسدن دھا زیادہ عالم
مطبوعاتدہ حکمفرما۔ فرانسه، آلمانیا، آوستریا۔ مجارستان، ایتالیا،
آمریقاسادہ پک آز غزتہ پارہ نک ربقہ تذلیلندن کنیدی قورتارا بیلپور۔
قسم اعظمتک بویونندہ آلتوندن بر طاسما وار۔ بانکہلر، ایش آدملری
غزتہلری اشترا ویا استیجار ایدپورلر۔ غزتہلرہ داغیتدقلری پارہلری
بالاخرہ چیقارہ جقلری، تحویلات و سندات ایلہ دولت وملتک ضررینہ
فائضیلہ برابر آلیورلر۔ شوراسی تحف کہ اک مرتکب غزتہلر ملتک قاتی
امنلر علیہندہ اک زیادہ شدتہ ادارہ لسان اینہیناردو ! ناموسلی غزتہلر
قسم سیاسیلری نہ فروخت ونہ ایجار ایدرلر۔ فقط بونلرکدہ چوغی قسم
مالیلری پارہ مقابلدہ ترک ایتمک ایچین هیچ تردد ایتمپورلر ! مثلاً فلان
سوسیالیست ویا قاتولیک غزتہلر قسم مالیلری عینی موسوی سمسارہ
صایورلر۔ تحویلات اخراج ایدلدیکی وقت مطبوعاتک همان کافہسی برر
برر بانکہ نک وزنہسی اوکندن کچور ! تشبہات مالہ حضورندہ مطبوعات
فاجرہ نک متفقاً شناکدار اولمرینہ سبب بودر۔ پاناما مسالہ سندہ فرانسر
مطبوعاتک یایدینی اک بویوک قتالک سکوت ایتمہ سیدر۔ شیمدی غزتہ
مدافعہ ایدن ومقابلندہ بر اجرت آلان آوقانہ تشبہ ایدیلپور۔ ایشتہ
مرئی ملت اولملہ افتخار ایدن اکثر غزتہلر : وقیلہ آوروپادہ غزتہلر،
ظلمدن انتقام آلان، ضعفانی حمایہ ایچین فدای حیات ایلہن یکی بر شووالہ
ایدی۔ یاشادینغمز بوی فضیلت زمانلردہ بونوع بویوکککرہ انتظار ایتمک
بودالالقدر۔ شیمدی غزتہ جیلرک قلی، بر قانچدن زیادہ وحشتک زهرلی
اوقنہ بکزیور۔ شہہ سزہنوز برحوق کزیدہ واصل استناروار۔

فقط هیأت عمومی سی فسوق و قبیحه مبتلا! اون: وقوزنجی عصرک
 بوتون افلاسری میانده مجرای لوٹ فسادات و احتراصات ایچده ایقای
 وظیفه ایله بنونوع مطبوعاتک سقوط و افلاسندن دها سوزناکی یوق
 کیدر. برچوق حکما «اگر اغاجی میوم سبله محاکمه ایتک ایجاب ایدرسه
 اعتراف ایتمه لیدرکه فرانسه ده حریت مطبوعات افلاس ایتشد. » حکم
 مدعشنی اعطاده تردد ایتورلر.

بفساد اخلاقه، پاره نک مطبوعات و بولتیقه اوزرنده کی نفوذینه قارشی
 بعض هکیملر ظاهرآ پک ساده کورونن علاجلر توصیه ایدورلر. مثلاً
 برقصی حریات عمومی بنی وبالخاصه حریت مطبوعاتک لزوم تحدیدی
 عرض ایدیور. بمضمری ده پارلمنتو اصولنی قالدیره رق حقوق دولتی
 تزید ایتک اوزره بوتون قوانین برالده جمع ایله مک فکرنده درلر. بونلر
 اوپله کهنه علاجلرکه شیمی به قدر هیچ کیسه بنی تداوی ایتمه مشدر.
 برکره شونقطه ده آلماناملی که خستلق دایما حریته اسناد ایدیه من:
 بوبابده حکومتلرک ده برحصه مسئولیتلری واردر. حکومت مجالسک،
 متخیلرک، مطبوعاتک اخلاقی بوزمق ایچین پک چوق فناشیلر یامشلردر.
 هیچ برصورتله واجب الحرمه اولمان کیسه لره نشانلر ویرمک، غزته لری
 صاتون آلمق اصولنی حکومتلر میداننه چیقاردی. آلمانیک ناموسلی
 مطبوعاتی یکریمی بش سنه یلسمارقدن پاره آلدی. روسیه بو اوغورده
 میونلر صرف ایتدی وایدیور. اوروپالی غزته جی افسدیلر بزمده
 کیم بیلیر، نه قدر پاره منی یه دیلر. دیگر جهندن سندیه لرده غزته لرک
 اوزرینه بر باران ذهب یاغدی ریور. محاربه کی بولتیقه نک ده پاره قدرت
 وقوتیدر. همان هریده مقام افسداره کلنلر و فرق سیاسی پاره آدملر به مظلم
 اتفاقلر عقد ایدرلر.

بعض کیمسه لرده خسته افه چاره ساز اولمق ایچون حقوق و وظائف دولتک تزییدینی ایستورلر . بواویله برصورت تداوی که نتیجه خسته لک دها زیاده کسب و خامت ایله جکته امین اولمالی . هر درلو تشبثات اقتصادی و مؤسسات مالییه اوزرنده دولته برحق اداره و مداخله بخش ایتک : بوءفساد اخلاق و سوء استعمالات دائره سنی توسیع ایتکدره . فرانسه ده اولدینی کبی یکی پاناما رذالتیری ارزواید رسه کز صلاحیت دولتی توسیع ایدیکز . شوراسنی بیله لی که دولت لایخطی بر موجود دکل . اوات و کیکنن مرکب انسانلردن متشکلدر . اوانسانلر که هر درلو احتراصاته منهمک و متمایل . حاصلی شفایی خارجدن آراملی بز . سلامت بز . دولندن کله منز . بالعکس دولتی قورتارمق بز . دوشره . بوایه قوانین و مؤسساتی تبدیل ایتکله دکل بلکه انسانلری دیکشدریمکله حاصل اوله بیله جک . بز هرشیدن اول برحفظ الصحه لازمدر .

۴

خسته لقی بز روحمزده ، قلبمزده در . بویله خارجاً قوللانیله جق ادویه ایله تداوی ایدیه منز . بومالک اجنبیه دن سرایت ایتش بر قوله را ویا صاری حما دکل بلکه ایچمزده دوغمش بر قوله رادر . نفسیزی مدافعه ایتک ایچون حدود اوزرنده قارانتسه خانلر احداث ویا شهرک قابولرنده مسکینخانه لر تأسیس ایلک بی فائده در . خسته لقی خلقتمزده ، بوتون حیات اجتماعی و شرائط موجودیتمزده مربوط . جریحه اجتماعی بوتون صنوفه یابیش . انظار ناسده صنف متوسط کاملاً تفسخ ایتشدر . بوشه سز یا کلش بر فکر . فقط بوفکر اوروپاده کیتدکجه خلقت دماغنده برلشور . صباح فلاح صنف متوسطک اورتادن قالماسیله باشلایه جقمش ! اقلیت بونی پک شدتلی بولهرق یالکنز پاره آدملرینی احیای توصیه ایدیورلر .

فقط زمانم زده پاره آدم لری نرمه باشلار نرمه بیت؟ یونان فیلسوف لری
تجارانی شهرک خارجه آتیور لردی. اسکیدن بونوع تصورات اولابیلردی.
لکن شمعی؟ آوروپاده انتخابات جداولندن یکانه اندیشه سی قازانچ اولان
آدم لک اسامیسی چیقاریلیرسه قاج منتخب قاله جفی جای ملاحظه در .
خسته لق یالکز برعضوده دکل بوتون وجودی استیلا ایشدر . موازنه
معاشرت مختل . هرکس شهرا عدالت وحقانیدن آیلش . هر یرده بر
برکان احتراض فوران ایدیور . مغلوبین حیات برافق بی ضیا اورته سنده
بر نو حیات سعاده ناشکیانه منتظر . رجال دولت واغیا مهم ومظلم بر
آینک اندیشه آلامی ایچنده ...

اساساً خسته لق هر درلو سعادتك ثروته وابسته اولدینی فکرنده در .
ثروته قارشى بواعقاد قرون وسطا دنبری کسب قوت ایندی . حال بوکه
ثروت بردوای شافی اوله ماز . آالنوله قائمز تمیزلنه یه جکی کبی نیکهستی ده
بزه صحت ویره مرز . خسته لق برمرض اخلاقدر ؛ بناء علیه تدایر معنویه
لازمدر . پاره مسأله سی ده مسأله اجتماعیه کبی برمسأله اخلاقیه منجر
اولور . اول امرده روحی پاره نک ربه اسارتندن قورتارمايه چالشمالی بزه .
سلامتی ثروت ومدنیت ماده ده بولق اعتقادندن واز کچر سهك طریق
خلاصه دوغرو بویوک برخطوه آتش اولورزه . بوبرنجی نقطه . ثانیاً ،
بویابده دولتدن برشی بکلمه ملیدر . قانونک کندیسنده براقوم حیات
یوقدر . قانون اقوامک ارتقا وابطاطنه اصلا خدمت ایتهمشدر . حکیم
تولستویک حق وار : نه دولت ، نه قانون ، حتی نه علم جمعیتک جریحه لری
قیایماز . دوای شافی تجدد اخلاقده در . جمعیتی جداً اصلاح ایتکی ارزو
ایدیور ايسك اولا کنديمزی اصلاحدن ، طرز جریان حیاتمزی تبدیلدن
باشلامالی بزه . پاره نک ربه رعیتده آزله مزك سبی فصایحمز ، نیکهستی به ،

حظوظاته قارشى عادى محبت، بوش تفاخر لر مز، رخاوت تنپورانه مز در .
 شهوت و ذوق پاره قراليتك فاعل مشترکيدر . آلايش پرستى، نسوان
 زواللى ارککلرک پاره لر ينى محو ايدبور . جريحه اجتماعيه نك درجه سنى
 آکلامق ايجين اوروپا حيات کبارانه و حيات جهميه لر ينى تدقيق ايتک ،
 بالخاصه تياترو قوليسارنده کى اشتغالات غراميه و محاسده عاشقانه يى تبس
 ايله مک لازمدر . البته بويله بر جمعيت پاره نك تحت اسارتنده ايکله مک
 محکومدر . چونکه حيات اخلاقيه اويله بر زنجيردرکه اوراده بوتون
 حلقه لر يکديگرينه مربوطدر . ايسته بونک ايجين بونوع محيط رذائيدن
 قطعاً اوزاقلشه رق دائره رضا شناسى به عودت ايله مک وانجق ساحه
 سربست مساعیده تعالى پرور اولق ايجاب ايدر .

شيدى بويله مطالعه لر بزه برنشیده تنويم کي کليور ! برفعه حياتمزي
 دکيشدير مک ايستورمى يز ؟ هيچ اولمازسه مجرم کنديمز اولديغنى سويله مک
 جسارتنه مالکمى يز . اعتراف ذنوب تعالينک مقدمه سيدر . اگر تبديل
 مسلك ايتمه چک ايسه کبارى قصور لر ينى اعتراف ايدم . لکن بزبالعکس
 قباحتى کنديمزه عطف ايدم چکمز يرده بوتون کنشاهلر ينى اوزرينه
 يوکلنه چک برشى تحري ايدبورز . بودنائدن باشقه برشى دکل . ايسته
 موسوى خلافکيرلکى ، احتمالکه بومسلك ابتداسنده پاره نك حاکميتنه
 قارشى وجدان عمومينک بر عصيان ايدى . لکن بوبک جولانيق سيل
 خروشان ايجنده شيدى نه کينلر ، نه حسد لر ، نه کيزلى ارزولر ، نه حيات
 دوشکونلرى ، نه خيالپرستلر وار . ملت هر شيشى بر آمده ويا براسمه
 تجسيم ايتک احتياجنده درلر . وبو صورته موسويلر پاره قراللى عد
 اولونيور ! يهوديلرک بورسهدن باشقه وطنى ، آلتوندن ماعدا الهى
 اولمادىنى سويله نيور . قرالر اختلان زماننده قراليتلرينک قربانيدرلر .

خلق ایچین ده انحق موسویلر پاره قرالدر . اونلری تخندن ایندیرمکله .
برابر پاره نك ده نفوذندن قورتولاغز ظن ایدیورلر . جهلانك ازلی
وادی خطاسی : حریق فح ایچین قیصری اولدورمکدن باشقه یایله جق .
هیج برشی اولمادیغنه اینامق . استو آرتلر، بوربونلر کی موسوی بانکرلری
خاندانی ده اورتادن قالدیرلسه پاره نك اولانجه قهر و شدتیه ینه اجرای
سلطنت ایده جکنه ایمان اتملی . نیته کیم تاریخ بزه اثبات ایدیورکه برچوق
اختلالادن صوکره اشخاصك ، عالم لرك دور و تبدلندن باشقه حقیقی
وجدی برتبدل اولماشدر . پاره قوتنه موسویلر خدمت ایتیمور، بالعکس
پاره نك حکم و نفوذی موسوینك درجه اقتدارینی تزید ایدیور . نتیجه یی
علت اوله رق آلاملی یز .

مجرم حقیقی ثروته قارشی باسله ن محبت فوق العاده در . اساسنده
ثروت نه آیی ، نه فنا ؛ نه کوزل ونه ده چرکیندر . بوتون بونلر شخصه
صورت استعماله کوره دیکشیر . ثروت تربیه فکریه خصوصنده پک
بویوک بر ره ل ایفا ایدیور . صوکره وظائف اجتماعیه سی وار . برچوق
شیلر ثروتك قالقماسیله برابر محو اولور . نه صنعت ونه ده علم روتنر
اولاماز . آثار نفیسه صنعتی بی لزوم شیلردن عدا تمك مدیتك ائک کزیده ،
ائک نازك چمچکنی ساقدن قوپاروب آتقی دیمکدر . فقط ائک زیاده شایان
تأسف اولان نقطه ثروتك وظیفه سنی فقرا کی اغنیانك ده فنا برطرزده
آکلاماسیدر . یوقسه ثروت عوامل ترقیاتك برنجیسیدر . پرستیده قلیج
پاره اولماسین ، بوکافی . فقط پاره اوله برقطب جاذب که اوکا دوغرو کیمه مک
عاداتحال . ثروتك علیهنده ائک زیاده اداره لسان ایدنلر بیله اکثرینله ثروته
طاینینورلر ! ایشته بو حالت روحیه دن دولابی درکه جمعیت بشریه خسته در !